

鹿田聽雨記

謝翱

鄉余見南嶽僧言嶽頂望日出海看雲生樹石與巖屋聽風雨
窅異人世嘗疑其言之過此游金華之北山宿東西鹿田夜聞
風雨聲滃鬱滄隘琤琮澎湃淅淅浮浮泠泠粼粼或散或哀或
赴或休或激或射或凌或瀝或沉或淫或益而溢其過虛若乘
其擊實若盈其舉朽若勝而振於葉也若憑其赴於壑也若崩
其回旋於空而薄乎軒窗也若濤風擊舟而擁於敗簷是不可
行而詰其名也蓋其地近洞天山川鬼神虎豹蛟龍蟲蛇罔象
烟雲水石之所聚故聲鬱而不散其石虛窾窾切研圈洼曰哈
崢口鼻之所出故其聲泊以深其林木藿霏枯新堅脆榮實瘦
道藏輯要

天下名山記
浙江鹿田謝

全 軫集二
川上人

液之所生故其聲泛以畜其勢之來也殊方其席而怒也殊力
其散而游於物也殊值故能若無若有萬變而不窮而畸人孤
子抱膝擁衾感極生悲而繼之以泣故其聽也獨真於是信鄉
之所聞於僧者不謬然僧之聽乎此與人世異而吾之聽此復
與僧異知吾與人世與僧之所以爲異則茲游也將必有與吾
不異而深知此聲者乎是爲記